

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Oqaatsivut pillugit aalajangiisartut ingerlappat?

(Inatsisartunut Ilaasortaq Jens Kristian Therkelsen, Siumut)

Tungavilersuut:

Kulturitsinnut atalluinnartut oqaatsitta siunissamut pitsaasumik atorneqarneqarnermikkut allanngutsaaliorneqarnissaat, kiisalu pitsaasumik oqaatsitta isumaviisa attanneqarnissaat pingaarutilerujussuuvoq.

Ukiuni atukkatsinni malunnarsigaluttuinnarpoq tungaviatigut oqaatsitta isumavii atorneqaratik allarluiinnartut isumalerlugit atorneqaleriasaartartut. Tamanna oqaatsitta piguarnissaat eqqarsaatigalugu ernumanartuuvoq.

Tusagassiuutit tassaasarpit inuiaqatigiinni annertuumik tusaaneqarnikkut isiginnaarneqarnikkullu sunniisinaanissamut annertunerpaamik inissisimasartut. Pingaartumik meeqqat inuusuttullu eqqarsaatigalugit.

Siusinnerusumi piaartumik naqqiipallattarneq atorneqartoq tusartarparput. Assersuutigalugu oqaatsivut eqqunngitsumik imaluunniit isumaat uniorlugit atorneqaraagata. Tamanna periuseq iluarisimaarnartoq ullumikkut takussaajunnaartutut isikkoqarpoq eqqarsarnarsillunilu taamatut ingerlaneq akuersaarneqartoq.

Qujanartumik suli inoqarpoq assoroorusullutik oqaatsitta tammatsaaliornissaanut eqqortumillu atorneqarnissaanut ilungersuuteqartunik. Taakku utoqqalilerput ilisimasaallu iluatinnarput.

Taamaattumik pissusissamisoortutut isikkoqarpoq alloriarfiusussamik iliuuseqarasuarnissaq.

Nalunngilara Oqaasileriffik pitsaasorujussuarmik ingerlasoq suliaqartartorlu. Kisianni ulluinnarni oqaatsitta atorneqarnerat piffiit ilaanni ajunngikkaluartoq. Ataatsimulli isigigaanni ernumanartoqartoq malunnarpoq.

Kissaatigaara apeqququma ullut suliffiusut qulit akornanni akineqarumaartut.